

799 Quicquid vero de tua audio canonica conversatione satis mihi placere fateor.  
Oct. Nov. Hoc quoque addatur ad mercedem industriae vestrae, ut fratres, qui sub manu vestra  
sunt, secundum sanctitatem regularis vitae vivant. Nec ego aliter audiui; nec eo  
minus dicere debeo quae agnosco proficere fraterna caritate.

Populo quoque, ut saepius deprecatus sum, praedica instanter verbum Dei; ne  
ullius anima in tuo pendeat iudicio vel a<sup>a</sup> te quaeratur. Ostende illis viam salutis;  
hos secreta conlatione, illos publica praedicatione confirmans. Unicuique secundum  
suae conditionis vel personae modum hortamentaingere: potestatibus et iudicibus  
iustitiam et misericordiam; iunioribus oboedientiam humilitatem et fidem in senioribus;  
omnibus aequitatem, caritatem Dei et proximi, castitatem corporis, benignitatem et  
pietatem in aelymosinis, quatenus cum multiplici laboris tui fructu ad aeternae beatitu-  
dinis sedem pervenire merearis, eo miserante, qui ait: 'Sic luceat lux vestra coram  
Matth. 5, 16. hominibus, ut videant opera vestra bona, et glorificent patrem vestrum, qui in  
caelis est'.

Mei quoque ut habeatis memoriam secundum spem meam et fidem vestram, de-  
precor, cum sanctis fratribus vestris assidua intercessione, ut, prope cursu nostri agonis  
completo, veniam peccatorum meorum et aliquam portionem beatitudinis inter cives  
caelestis<sup>b</sup> habitationis accipere merear.

Plura scriberem secundum animi nostri desiderium, si non iste cursor ex vestro  
mandato velociter revertere habuisset<sup>1</sup>. Tamen<sup>c</sup> ex his paucissimis litteris caritatis  
nostrae ardorem in vos agnoscere poteritis.

Divina vos gratia comitetur ubique, domine pater et dilectissime amice.

## 185.

*Alcvinus Arnoni archiepiscopo Salisburgensi scribit ex ducum quorundam limiti  
praefectorum obitu timorem maioris mali sibi nasci. Arnonem vigilem esse vult.*

799 Oct. Nov.

Codd. H fol. 76—77, S 1 fol. 125—126 (S 1\* fol. 23—25').

Edd. M 10, F 83, J 125. — Migne col. 308.

EVANGELICO AQUILAE<sup>a</sup> ALBINUS SALUTEM.

Plurimae sunt huius saeculi temptationes et multa pericula saeculum amantibus.  
Ecce quomodo recesserunt subito viri fortissimi<sup>2</sup>, qui terminos custodierunt, etiam et  
dilataverunt, christiani imperii. Non solum hoc damnum plangimus, sed maioris peri-  
culi signum timemus.

Unde, carissime pater, omni custodia serva te ipsum; et labora in domo Dei,  
ut proficiat tibi tuisque<sup>b</sup> labor tuus in salutem aeternam. Nihil enim stabile in hoc  
1. Cor. 7, 31. mundo fieri poterit nisi caritas Christi et servitium illius. 'Praeterit enim, apostolo  
dicente, figura huius mundi'. Solum illud<sup>c</sup> remanet, quod pro Dei dilectione et in  
praeceptis illius peragimus. Erue te ipsum, quantum valeas, de periculis huius vitae.  
Osee 8, 1. Sit guttur tuum tuba super domum Dei. Spiritualis belli signifer esto et dux in acie  
Christi; ut amplificetur tibi regnum in terra viventium et non habeas spem in hac

<sup>a</sup>) ad S 1. <sup>b</sup>) caelestes S 1, D. <sup>c</sup>) Tamen — poteritis om. D.

185. <sup>a</sup>) Aquilae H. <sup>b</sup>) om. S 1. <sup>c</sup>) illum S 1.

1) Cf. infra ep. 242: propter festinationem portitoris pauca rescribere curavi. 2) Ericus dux  
Foroiulanus et Geroldus praefectus Bavariae (hic Kal. Sept., ille eodem fere tempore). J; cf. Ann. Lauriss.  
mai. 799; Poet. Carol. I, 114. 131.